

---

Қушқўноқдаги 20-мактаб филиалида ҳам жорий таъмирлаш ишлари бажарилиб, ўқувчилар учун муносиб шароитлар яратилмоқда

Айни кунларда Ўзбекистон тумани Қушқўноқ маҳалла фуқаролар йиғинида жойлашган 20-умумтаълим мактаби филиалида ҳам кенг кўламдаги таъмирлаш ишлари олиб борилмоқда.

Таъкидланишича 60-йилларда қурилган ушбу бино-иншоатларда бугунги кунда маҳалланинг 80 нафар ўқувчилари 1-4 синфларда таҳсил олиб келишмоқда.

Таълим масканини таъмирлаш, янгича қиёфага келтириб, ўқувчи ва устозларга муносиб шарт-шароитлар яратиш мақсадида қатор амалий тадбирлар бажарилмоқда.



Хусусан, шу кунгача пудратчи ташкилот усталари томонидан муассаса биносининг том қисми таъмирланиб, янгидан шиферлар ўрнатилди. Мавжуд синф хоналарининг эски полларини янгилаш, бинонинг эшик ва ромларини тўлиқ замонавийсига алиштириш ишлари давом этмоқда.

---

Шунингдек, таъмирлаш ишлари доирасида муассасанинг иситиш тизимларини ҳам тўлиқ янгилаш, янги кўмирхона қуриш ишлари бажарилмоқда. Мактаб ҳовлиси сатҳини таъмирлаш ва шу каби бунёдкорлик ишларига маҳаллий бюджет

---

маблағлари ҳисобидан 110 миллион сўмдан зиёд маблағ сарфланиши кўзда тутилган.





2022-12-22 15:20:06